

华阴县志

第一
卷
九
册

華陰縣志卷二

封域 力產

赤土

晉書張華傳

華補雷煥為豐城令煥掘獄得雙劍以南昌西

山北崖下土拭之光芒豔發留一自佩遣使送一劍並土與

華華以南昌土不如華陰赤土以一斤致煥拭之倍益精明

金石

爾雅

西南之美者有華山之金石焉

注

黃金礪石之屬

唐書

李林甫謂李適之華山生金採之可以富國

球

尚書

大玉天球在東序

鄭元注

大玉華山之球也

禹貢

雍州厥貢

惟球琳琅玕

玉

周禮

職方氏雍州其利玉石

吳均餅說

細如華山之玉屑

玉珪

古今注

漢章帝建初七年玉珪出宏農華陰

前燕錄

石季龍

使人採藥上華山得玉版

琥珀

名醫別錄

琥珀生華山

王處一華山志

嶽頂峯上五粒松下時生琥

珀夜卽有光如荷花可書字晝如牛目服之遐舉矣

博物志

松

脂淪入地中千年化爲茯苓又千年化爲琥珀

五代史一行傳

華山

五粒松脂入地千年化爲藥能去三尸

銅

西山經

松果之山瀟水出焉北流注於渭其中多銅

鉛

出華陽川

樊石

陶嶠神書

握雪樊石此石或在山或在水色白而粗糯冬月

有脂液出其上旦則見日而伏當於日未出時以銅刀剖置

器內采時用白鷄清酒祭之華山出

李時珍本草綱目

握雪樊石華

山嵩山皆出

洗石

西山經

華山之首曰錢來之山其下多洗石

注

可以磳體

去垢圻

陵石

名醫別錄

陵石出華山其形薄澤

花乳石

嘉祐補注本草

花乳石出陝華諸郡色正黃形之大小方圓

無定

圖經演義本草

或名花蘂石取其色黃也

穀屬

食類

穀 總名脫而為食統曰小米為種不一諺云八十歲老人認

不清穀種

黍

說文

禾屬而黏者也

古今注

禾之粘者為黍

詩緝

黍有二種黏者

為秫可以釀酒不黏者為黍如稻之有秬糯也孔子曰黍可

以為酒

馬志

飯黍酒黍兩種酒黍黏飯黍不黏飯黍惟關中有

之

周禮

職方氏雍州其穀宜黍

淮南子

渭水多力而宜黍

字畫

黍粟

屬苗似蘆高丈餘穗黑色實圓重土宜高燥

稷

高誘曰

關西謂之糜今俗呼曰糜子二種其穗垂而可以縛

帚者曰條帚尖仰而散者曰滿天星可食可釀

稻

唐書地理志

京兆貢稻

爾雅翼

性尤宜水

按

今惟紡車定城諸處

藝殖

梁

馬志

梁關中處處有之青者為青梁白者形如芝蔴為白梁

白粱卽芭赤粱蘖也黃粱穗大毛長謂之竹根黃

御穀 苗長似黍結實節間實胎長數寸圍胎結粒累累若編

珠形類莞豆穀色淡黃作米潔白如玉或謂之玉穀

本草

嬰子

粟一名御米其實狀如嬰子其米如粟乃象乎穀而可以供御故名又御米粥治反胃利大腸疑卽此也

鰾穀 生於沮洳之地粗糲不中食然荒歉之歲人多賴以禦饑

小麥

爾雅

小麥稊

唐地理志

京兆貢麥

本草拾遺

小麥出關中者爲上品

圖經本草

出關中者味甘微寒今有三種曰山東黃曰螞蚱麥無

芒者曰和尚麥色有白有紅

大麥

爾雅

大麥粦

唐地理志

京兆貢粦

唐本草

大麥出關中味鹹溫微

寒

爾雅翼

生於春二百日而秀秀後五十日而成宜為飯又可

為醋其蘖可為餒今有四種曰笨麥曰六稜曰露仁無芒者

曰和尚為釀倍於為醋為餒矣

蕎麥

廣羣芳譜

一名苽麥一名烏麥立秋前後下種密種則實多

稀則少八九月熟惟畏霜

燕麥

爾雅釋草

籥雀麥

注

即燕麥也

唐本草

葉似小麥而弱實似穬

麥而細

博物志

食燕麥令人骨節斷解

按

燕麥多生於二麥墜

間其苗散渙土人耘麥時悉鋤去之或有所懲也

豆

九穀之一類同而種異收刈亦不一時粒具五色大小殊

形爲食各有其宜而充於作腐

豌豆

廣羣芳譜

豌豆一名華豆一名胡豆粒可煮食亦可爲麵爲

粉諸畜食之茁壯

扁豆

苗長尺餘花碎白色小莢包粒二三而已可作麵爲粉

李時珍曰

藊豆本作扁莢形扇也而不知其粒實扁亦非白扁豆

類也

綠豆

兩種不蔓而熟不一時者曰摘綠曳蔓而熟於一時者

曰割綠性涼益氣除熱可煮食作粉佳

紅豆

博雅

相思子一名紅豆

按

紅豆蔓生多植於籬落間不可

爲食

豇豆

本草綱目

蔓生花紅白二色莢白紅紫赤斑駁數色長者二

尺開花結莢兩兩並垂子微曲象人腎形

按

豇種類甚繁形

色皮實迥不相同內有結粒似人面者色白額鬢宛然如黑漆俗呼人臉豆異種也嫩則供蔬熟則煮粥而食最佳

蠶豆

本草綱目

二月開花如蛾狀結角似蠶形

刀豆

本草綱目

蔓引一二丈葉如豇豆結莢似皂莢扁而劍脊三

稜

芝麻

黑白兩種可榨爲油

荳子

生山中結子可榨爲油

棉屬

衣類

白棉

唐書地理志

京兆調棉

按

白棉兩種無甚差別子可為油邑

俗婦女以紡織為業被服之需取給惟此若植桑者十之二

三故蠶亦稀

紅棉

與白者同而作淺紅色為布謂之紫花布

大麻

唐書地理志

關內道賦麻

爾雅翼

麻其縷可為布

按

俗止作孝

服孝冠用

綵麻

爾雅翼

綵或作黃

周禮

典泉麻草

注

草葛黃也可績布抄紙

作綆

葛

葛蔓生南山多有之

按

葛可為絺綌而土人拙於為製

蔬屬

藝於圃者

秦椒

種類形象不一園圃隙地皆可藝植皮子合春爲末可

以調食其味辛辣或謂能已痔瘡

名醫別錄

謂生秦嶺上

本草綱目

卽

花椒始生於秦非此也

韭

葉窄者辣葉寬者謂之馬蘭韭味稍減

通志

性溫謂之草鍾

乳

埤雅

韭之美在黃

按

今園客遇冬際以瓦筒覆之周以沃土

灌長六七寸色盡黃售曰韭黃其味頗佳又有野韭生水中

北戶錄

水韭生於池塘中葉似韭得非龍爪悲乎

羣芳譜

水韭五

六月堪食不葷而脆

葱

兩種食身者曰壅葱謂壅土使其白長也食葉者曰割葱

割取其葉不須身也又有水葱

白菜 不一類曰箭幹莖疎不佳曰黃芽者肥厚束固脆而無

絲嘉蔬也或引周顒秋末晚菘以當之

按埤雅

菘性隆冬不凋

有松之操故其字會意今此菜冬初霜重其葉卽萎非所詳

也

芥菜 兩種根葉皆可食氣味並辛

菠菜 種出尼菠羅國唐時始入中國有三異蔬類皆實心而

此中空如竹下種出必越朔花者不結子結子者不花亦有

兩種其種不同

莧

蜀本草

莧六種赤莧白莧人莧紫莧五色莧馬莧也按今園

園中惟白

俗謂白人莧

紫莧

俗謂紅人莧

兩種若馬莧

俗謂馬齒菜

則白

生野地不多採食

蒼薺 或作蒼達初生嫩而可食稍長則齒舌作澁

薺 生田野中作菹羹佳

藜

廣羣芳譜

藜一名萊一名紅心灰藿一名落藜老則可爲杖

詩集

傳

萊草名葉香可食

按灰藿

本草綱目

一名灰條菜

廣雅

以爲卽堇

今皆野生食之者寡

芹

俗謂胡芹兩種莖葉根俱可食又有生於水者曰水芹

爾雅

疏

水芹一名水英

莞葵

卽胡葵

本草綱目

俗呼蘆葵

韻會

胡葵香菜張騫使西域得其

種

蒿苳

類篇

蒿苳菜名

墨客揮犀

蒿菜自蒿國來故名

續博物志

蒿菜出蒿

國有毒百虫不敢近

按

蒿苳種類十餘四時皆可種藝得食

一種初出掘取另栽宜疏長而成筍為蔬中佳品又有野生

者味苦名苦苳

杜甫詩

苦苳刺如針是也

本草綱目

苦菜苦蕒也即

此

筒蒿

羣芳譜

一名蓬蒿

蘿蔔

赤白二種而種亦有別

茄

本草衍義

出新羅國味甘冷不可多食

按

茄紫白二種其結實

俱有圓長之別一種白而小者可作盆玩不中喫

劈藍

結實於葉下根上其味甜脆能去煤毒或謂之撇藍芥

藍椿藍各從其方

壺蘆

亦作葫蘆

本草綱目

匏之短柄大腹者爲壺嫩則鮮茹鏤絲

老可爲壺作瓢一種兩頭大而中作蜂腰宜貯酒貯藥丸一

種圓而細柄長尺餘一種圓小而無柄築架作棚垂垂可玩

瓠子

廣羣芳譜

瓠子就地蔓生處處有之按瓠子味與壺蘆同而

結形長

黃花菜

一名金針

龍鬚菜

生華山

蔓菁

周禮

醯人菁菹

注菁蔓菁也

詩疏

葍蔓菁也

方言

關西謂之蕪

菁

按

今俗呼曰菜子根葉俱可食子榨爲油餘糝喂畜沃土

資用甚多

芥 兩種其氣辛沁嫩時莖葉可食子收紫者調味白者入藥

蒜

韻會

葷菜也

爾雅翼

大蒜爲葫小蒜爲蒜

古今注

蒜卵蒜也俗謂

之小蒜

按

蒜其味辛辣獨顆無瓣者能治毒瘡苔長爲蔬

按卵蒜卵字或作茆大訛西安府志蒜結實土內形如卵故云若茆則無所取也

蕈

玉篇

蕈地茵也

按

蕈有毒者食之殺人

華峯蔬食譜

松蕈生松根

下秋八月間雨後尤多

蘑菇

生山中者佳

木耳

生山中

石耳

生於水中石上

地蓴 陰雨浹旬生於墳墓間作包子餡與木耳石耳同

瓜 東瓜瓢空肉薄不及山東江南所產 西瓜種類甚多形

色雖殊而味皆甘美不少讓青門之產 南瓜形色不同其

味皆甜 北瓜俗呼番瓜圓長斑黑不一味亦少殊 凍瓜

霜後經凍始摘取其瓢如絲盤結於內甘脆宜作醬菜 黃

瓜卽王瓜訛傳爲黃耳 本草綱目 黃瓜名胡瓜張騫使西域得種

故名 陳藏器本草 北人避石勒諱改呼黃瓜 杜寶拾遺錄 隋大業四年

改胡瓜爲黃瓜 按瓜種不同就地曳蔓而生曰地黃瓜作架

纏蔓而生曰架黃瓜皮色純綠訖秋末猶產者曰秋黃瓜一

種脆黃瓜脆甚於梨而無渣滓佳品也宜啖而不宜爲蔬